

Na osnovu člana 41. Statuta Općine Prozor-Rama - prečišćeni tekst („Službeni glasnik Općine Prozor-Rama“, broj: 3/01), u skladu sa Programom mjera podrške privredi Općine Prozor-Rama za ublažavanje posljedica bolesti Covid–19, broj: 01- 04-1032/20 od 19.5.2020. godine, Načelnik Općine Prozor-Rama, *d o n o s i* :

**PRAVILNIK
O MJERAMA PODRŠKE PRIVREDI OPĆINE PROZOR-RAMA ZA
UBLAŽAVANJE POSLJEDICA BOLESTI COVID-19**

I. OSNOVNE ODREDBE

Član 1.

Ovim Pravilnikom utvrđuju se opći uslovi i pravila odobravanja podrške, korisnici, kriteriji dodjeljivanja podrški te nadzor provođenja i korištenja podrške privredi u općini Prozor-Rama za ublažavanje posljedica bolesti Covid-19, u 2020. godini.

Član 2.

Korisnici podrške, u smislu ovoga Pravilnika su privredni subjekti koji su u 100%- tnom privatnom vlasništvu, registrovani za obavljanje djelatnosti ili sa sjedištem djelatnosti u općini Prozor-Rama, kojima je od proglašenja stanja nesreće uzrokovane pojavom pandemije koronavirusa, od 16.3.2020. godine bio zabranjen ili otežan rad.

II. PRAVA UČESTVOVANJA I USLOVI ZA DODJELU MJERA PODRŠKE

Član 3.

U smislu ovog Pravilnika, korisnici podrške trebaju ispunjavati uslov poslovanja u jednoj od djelatnosti:

1. Djelatnosti poslovnih subjekata kojima je rad u potpunosti bio onemogućen mjerama zabrane rada i kretanja prema naredbama Federalnog štaba civilne zaštite,
2. Djelatnosti na području općine Prozor-Rama kojima je rad bio otežan prema mjerama Federalnog štaba civilne zaštite o zabranama rada i kretanja.

III. VRSTE PODRŠKE

Član 4.

Podrške se utvrđuju i dodjeljuju u dva oblika: finansijske i organizacijske podrške.

Financijske podrške:

- Ukupan iznos od 800,00 KM po zaposlenom radniku za cijelo vrijeme trajanja stanja zabranjenog ili otežanog rada, uz korekciju po posebnim elementima utvrđenim Pravilnikom (Član 6.), uz obavezu poslodavca da određeni iznos isplati uposleniku kojega je zadržao na poslu;
- Oslobođanje od plaćanja općinske komunalne naknade za vrijeme zabrane rada za djelatnosti kojima je bio zabranjen ili otežan rad (za period zabrane ili otežanosti);
- Oslobođanje od plaćanja zakupnine za korištenje općinske javne površine za djelatnosti kojima je bio zabranjen ili otežan rad (za period zabrane ili otežanosti);

Organizacijske podrške:

- Odgađanje plaćanja obaveza prema Općini po drugim osnovama (beskamatno) do kraja 2020. godine;
- Odgađanje stečajnih postupaka koje je pokrenula Općina, za privredne subjekte iz djelatnosti kojima je zabranjen ili otežan rad, do kraja 2020. godine;

IV. KRITERIJI ZA DODJELU I IZNOS PODRŠKE

Član 5.

Kriteriji za dodjelu podrške:

- a) podnosilac ima registrovanu djelatnost na području općine Prozor-Rama,
- b) djelatnost podnosioca navedena je u članu 3. ovog Pravilnika,
- c) podnosilac je izmirio direktne i indirektne porezne obaveze na dan 31.12.2019. godine,
- d) podnosilac je izmirio obaveze prema Općini Prozor-Rama zaključno sa 29.2.2020. godine,
- e) podnosilac je zadržao zaposlenike s prebivalištem ili boravištem u općini Prozor-Rama od 16.3.2020. godine do daljnjeg, najkraće do 31.3.2020. godine, uz korekciju u odgovarajućem postotku za dio perioda u odnosu na ukupno trajanje utvrđeno u dužini od 60 dana,
- f) Ukoliko sjedište privrednog društva nije na području općine Prozor-Rama, promet poslovne jedinice u ukupnom prometu gospodarskog društva treba biti najmanje 10%.

Član 6.

Korektivni faktori:

1. Poslovni subjekti u općini Prozor-Rama koji ispunjavaju sve kriterije ovog Pravilnika ostvaruju pravo na subvenciju u ukupnom iznosu od najviše 800,00 KM po zaposleniku.
2. Za poslovne subjekte koji su aktuelni korisnici podrške za nabavku sredstava za rad, bilo kojeg nivoa vlasti, unaprijed utvrđeni iznos umanjuje se za 25% po zaposleniku na kojeg se odnose primljene podrške.
3. Za poslovne subjekte koji su aktualni korisnici podrške za isplatu neto plaća, bilo kojeg nivoa vlasti, unaprijed utvrđeni iznos umanjuje se za ostvareni iznos podrške po zaposleniku na kojeg se odnose primljene podrške.

V. POTREBNA DOKUMENTACIJA

Član 7.

Potrebna dokumentacija na osnovu koje će imenovana Komisija izvršiti odabir korisnika mjera podrške:

- a) Popunjena Prijava na Javni poziv,
- b) Izvod iz sudskog registra ili Rješenje o registraciji od nadležnog općinskoga tijela,
- c) Uvjerenje o izmirenim direktnim poreznim obavezama sa danom 31.12.2019. godine ili Sporazum o izmirivanju iz porezne uprave,
- d) Izjava o nekorištenju sredstava svih nivoa vlasti (ili fondova) za sufinansiranje plata zaposlenika i/ili sufinansiranje nabavke sredstava za rad (oprema, mašine i sl.),
- e) Uvjerenje o prebivalištu odgovorne osobe,
- f) Potvrda o listi zaposlenika, uključujući objavljenе zaposlenike za period od 29.2.2020. godine do dana prijave na Javni poziv (obrazac porezne uprave).

Svi navedeni dokumenti trebaju biti dostavljeni u originalnom primjerku, osim Izvoda iz sudskog registra i Rješenja o registraciji koji mogu biti ovjerene kopije.

VI. IZBOR KORISNIKA

Član 8.

Općina Prozor-Rama će na osnovu ovog Pravilnika objaviti Javni poziv za odabir korisnika podrške privredi općine Prozor – Rama za ublažavanje posljedica bolesti Covid-19. U Javnom pozivu bit će navedeni uslovi i kriteriji dodjele, rok za prijavu, te popis dokumentacije koju je potrebno dostaviti.

Odabir korisnika za dodjelu mjera podrške vršit će se na osnovu pristiglih prijawa na Javni poziv.

Prijave koje nisu pripremljene u skladu sa Javnim pozivom će biti odbačene.

Član 9.

Nosilac aktivnosti vezanih za realizaciju Programa mjera je Komisija za odabir korisnika za dodjelu mjera podrške, koju imenuje Načelnik Općine Prozor-Rama.

Član 10.

Komisija je dužna u roku od 15 dana obraditi pristigle zahtjeve, pripremiti prijedlog Odluke o dodjeli podrške i dostaviti ga Načelniku na potpisivanje te pripremiti Ugovore i proslijediti na potpisivanje.

VII. ROKOVI OSTVARIVANJA PRAVA NA PODRŠKE

Član 11.

Rok za podnošenje prijave za dodjelu podrške je 60 dana od dana objave Javnog poziva na službenoj stranici Općine Prozor-Rama.

VIII. NADZOR PROVEDBE I KORIŠTENJA PODRŠKE

Član 12.

Odabrani korisnici će potpisati Ugovor o dodjeli mjera podrške, kojim će biti regulisana sva međusobna prava i obaveze.

Član 13.

Općina ima pravo putem svojih ovlaštenih predstavnika izvršiti nadzor o pridržavanju preuzetih ugovornih obaveza.

Korisnik sredstava podrške dužan je omogućiti predstavnicima Općine da aktivno prate implementaciju sredstava, odnosno omogućiti kontrolu i nadzor nad namjenskim utroškom sredstava.

Član 14.

Ovaj Pravilnik stupa na snagu danom donošenja.

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA PROZOR-RAMA
URED NAČELNIKA
Broj. 01/1-11-1227/20
Dana, 28.05.2020.god.

NAČELNIK
Jozo Ivančević, dr. med.